



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Disp. II. De distinctione peccatorum

---

[urn:nbn:de:hbz:466:1-77355](#)

nem, quia per quodlibet peccatum mortale A convertitur peccans ad bonum creatum tanquam ad finem ultimum, & à Deo verè fine ultimo avertitur in quo Deus ipse summè offendit, ut docet S. Thomas qu. 28. de verit. art. 2. his verbis: *Quicumque rem aliquam digniorem indigniori postponit, injuriam ei facit, & tanto amplius, quanto res est dignior. Quicumque autem in re temporali finem sibi constituit, quod facit omnis mortaliter peccans, ex hoc ipso quantum ad affectionem suum preponit creaturam creatori, diligens plus creaturam quam creatorem.*

Ex his intelliges rationem injuria, & rationem defectus seu mali moralis in peccato, non esse ex æquo distinctas, sed se mutuo includere, & unam non posse perfectè præscindere ab altera: impossibile enim est, quod concipiatur peccatum ut est defectus moralis, quin etiam concipiatur, ut est transgressio legis divina, & averto à Deo ut ultimo fine, subindeque ut contemptus & injuria Dei ut legislatoris & ut ultimi finis.

72. Objicies primò contra istam assertionem: Philosophi Morales cognoverunt essentialiam peccati, & tamen non cognoverunt esse Dei offensam: nam ut ait D. Thomas hic art. 6. ad s. *A Theologis consideratur peccatum precipue secundum quod est offensa contra Deum;* à Philosopho autem morali, secundum quod contrariatur rationi: Ergo non est essentialie peccato quod sit injuria seu offensa Dei.

73. Respondeo, quod licet Philosophi Morales non considerent peccatum formaliter & explicitè ut est offensa Dei ( sub qua ratione illud considerant Theologi ) virtualiter tamen & implicitè illud sub ratione offensæ contemplantur, quatenus illud inservient seu considerant ut contrarium dictaminis rectæ rationis, quod (ut supra ostendimus) est lex ipsa naturalis, à Deo & lege aeterna derivata, & mentibus hominum impressa: & properterea D. Thomas non dicit absolutè quod peccatum consideratur tantum à Theologis ut est offensa contra Deum, & à Philosopho morali, ut contrariatur rationi, sed dicit quod præcipue sub hac diversa ratione ab ipsis inspicitur; quia certum est quod sub utraque illa ratione, saltem virtualiter & implicitè, ab utrisque consideratur: nec defuere inter Philosophos, qui formaliter & explicitè cognoverunt peccatum ut erat offensa Dei; & properterea Augustinus lib. 8. de Trinit. cap. 10. & 14. laudat Platonem, eò quod docuerit, in rebus humanis nihil esse Deo gratius virtute, nihilque odiosius vitio & peccato.

74. Objicies secundò: *Quicquid est essentialie peccato, provenit illi ab objecto à quo specificatur: Sed ab objecto solùm provenit peccato ratio mali, sive defectus moralis; ratio vero injuria seu offensæ provenit ei ex ordine ad personam offensam, quae est distincta ab objecto peccati: Ergo non est essentialie peccato, quod E sit injuria seu offensa Dei.*

75. Respondeo concessā Majori, negando Minorem: nam in objecto peccati virtualiter includitur Deus ut legislator, & ut ultimus finis; ut legislator quidem, quia objectum peccati est moraliter malum, ac proinde à divina lege positiva aut naturali prohibitum; ut ultimus finis vero, quia in moralibus objectum aliquod præcipitur, aut prohibetur, in ordine ad Deum ut ultimum finem: unde ratio inju-

ria seu offensæ contra Deum, ut legislatorem, & ut ultimum finem, virtualiter & implicitè includitur in peccato, quatenus est malum morale, & ab eo nequit perfectè præscindere.

## DISPUTATIO II.

De distinctione peccatorum.

Ad questionem 72. Divi Thome.

C OGNITA jam peccatorum natura, sequitur ut multiplicem eorum distinctionem ac differentiam declaremus. Perutus enim Medicus ( inquit Chrysologus ) qui plenam agris desiderat conferre medicinam, impietas profundos patefacit recessus; operios peccatorum nudat morbos; impietatis offensat secretum virus; vitiorum naturas, origines delictorum, radices criminum, mirabilis ratione deprimit. Sic agras mortalium mentes, moderatione piæ, pro aetate, pro sexu, pro tempore, pro viribus, ad salutem perpetuam divinâ curatione perducit.

## ARTICVLVS PRIMVS.

C Que sunt precipue species, seu divisiones peccati?

L ICET peccato nulla sit forma, nullaque species, variastamen & infinitas propemodum ei assignant Theologi formas & species, juxta vel objecti, vel principij, vel subjecti, vel circumstantiarum diversitatem: quæ breviter hic exponderentur.

Prima & generalis divisio est in peccatum originale, quod derivatur ab Adamo, & per originem seu generationem transfunditur in posteros; & in personale, quod propria voluntate peccantis committitur, & ab alio non derivatur. De quo infra.

Secunda est in peccatum actualē & habitualē. Primum est actus malus & difformis regulis morum: secundum vero consistit in quadam macula, quæ in anima relinquitur ex peccato actuali, & in ea remanet, donec per gratiam sanctificantem auferatur. De quo infra cum agemus de effectu peccati.

Tertia in peccatum mortale & veniale: Illud infect mortem animæ, eam privando gratiæ & charitate, & avertendo ab ultimo fine; istud vero, nec gratiæ, nec charitate privat, sed ejus tantum fervorem diminuit, nec avertit ab ultimo fine, sed ab ejus consecutione retardat; unde veniale dicitur, quia leve est, comparatione alterius, & veniā maximè dignum. De hac tertiam dupli specie fusè infra differemus.

Quarta in peccatum commissionis & omissionis. Illud consistit in productione aliquius actus mali & difformis regulis morum: illud est carentia seu privatio aliquius actus debiti & lege pracepti. Primum pugnat cum precepto negativo, ponens actum qui jubetur non ponit: secundum cum affirmativo, negligens actum qui præcipitur. Unde Augustinus lib. de perfect. iustit. cap. 3. *Duobus modis constat esse peccatum, si aut sunt illa que prohibentur, aut illa non sunt*

fiant quæ jubemur. Circa utrumque hoc genus peccati plures & graves occurunt difficultates, disputatione sequenti discutienda.

Quinta est in peccata carnalia, & spiritualia; à quibus abstinentium esse monet Apostolus 2. ad Corinth. 2. dum ait: Emundemus nos ab omni inquinamento corporis & spiritus, id est ab omnibus peccatis, tam carnalibus, quam spiritualibus. Illa sunt quæ perficiuntur in delectatione carnali, ut gula, & luxuria, quæ in delectatione ciborum & venerorum consummantur: ista quæ perficiuntur in delectatione spirituali, ut superbia, invidia, & similia, quæ in sola apprehensione alicuius rei concipiuntur, vel ad votum habitæ consummantur. Prima plus habent de conversione quam de aversione; secunda contra plus de aversione quam de conversione: unde ista quodam culpam sunt graviora; illa quodam adhæsionem majora; hinc, ut ait Gregorius, Peccata carnalia minoris sunt culpa, & majoris infamia: & ideo homines, qui in peccato non tam Dei offensam quam propriam ignominiam verentur, magis de his quam de illis verecundiari solent. Cujus rationem assignat D. Thomas hic quæst. 73. art. 5. in in refp. ad 3. Quia peccata carnalia magis subterfugiunt rationem & discursum, eo quod sint circa delectationes tactus & gustus, quæ communes sunt nobis & brutis. Unde quodammodo per ista peccata homo brutalis efficitur, & in brutum quodammodo transformatur; sicut per superbiam, & invidiam, aliaque peccata spiritualia, diabolus assimilatur, & Daemon per malitiam aliquo modo efficitur.

Sexta divisio est in peccata, que in Deum, proximum, & seipsum perpetrantur; quam egregie exponit D. Thomas hic art. 4. ubi sic discrit: Peccatum est actus inordinatus: triplex autem ordo in homine debet esse: unus quidem secundum comparationem ad regulam rationis, prout scilicet omnes actiones & passiones nostra debent secundum regulam rationis commensurari: alius autem ordo est per comparationem ad regulam divina legis, per quam homo in omnibus digni debet. Et siquidem homo naturaliter esset animal solitarium, hic duplex ordo sufficeret: sed quia homo est naturaliter animal politicum & sociale, ideo necesse est quod sit tertius ordo, quo homo ordinetur ad alios homines, quibus convivere debet. Quando ergo homo à primo ordine deficit, & detrahitur Deo amorem vel reverentiam debitam, dicitur peccare in Deum, ut sacrilegus, hereticus, blasphemus. Quando deviat à secundo ordine, & passiones suas ratione non regulat, peccat in seipsum, ut avarus, gulosus, luxuriosus. Quando verò à tertio ordine recedit, nec servat proximo jus debitum, vel offendit humanam societatem, cui naturaliter alligatur, tunc dicitur peccare in proximum, ut fures, homicidae, adulteri &c. De hac divisione videndum est D. Bernardus serm. t. in felto Apostolorum Petri & Pauli.

Septima divisio est in peccata cordis, oris, & operis, quæ potius est divisio in diversos gradus ejusdem peccati, quam in diversa peccata: iracundus enim v. g. ex hoc quod appetat vindictam, primò perturbatur in corde, secundò in verba contumeliosa erumpit, & tertiò procedit usque ad facta injuriosa. Idem patet in luxuria, & quolibet alio peccato, in quo est primò conceptus cordis, scilicet cogitatio, de-

A inde est manifestatio, & locutio, & ultimò complecio externa. Vel si mavis cum D. Gregorio alio modo illius gradus distinguere: Peccatum suggestione concipiuntur, delectatione latentur, consummatur consensu: suggestione fit per adversarium, delectatio per carnem, consensus per spiritum. Aliqui quartum addunum gradum, scilicet consuetudinis, qui per quartum Lazarum designatur, ut ibidem docet Gregorius.

Octava est in peccata ex infirmitate seu passione, ex ignorantia, & ex malitia. Primi generis sunt quæ oriuntur ex gravi aliqua tentatione & motione appetitus sensibili, trahentis voluntatem ad consentum: secundi, que procedunt ex ignorantia culpabili & vinebili: tertii, que plenâ libertate & voluntate committuntur, nullâ passione incitante, & nullâ ignorantia excusante. Prima dicuntur esse contra Personam Patris, cui attribuitur potentia; secunda contra Personam Filii, cui appropriatur scientia; tertia contra Personam Spiritus sancti, cui bonitas seu amor ex vi suæ professionis convenient.

Ultima divisio est in peccata propria, & aliena: illa sunt quæ ab ipso peccante committuntur: ista quæ licet ab alio committantur, nobis tamen imputantur, & hoc multipliciter, scilicet ratione consilij, præcepti, fussionis, adulatiois, protectionis, & propter defectum correctionis. Vel, ut explicat Augustinus, peccata aliena ea sunt, quæ ex aliorum suatione committimus: propria, que nullo instigante aut suadente, motu proprio perpetramus. Unde expendens verba illa Psalmista: Ab oculis meis munda me, & ab alienis parce servo tuo, sic ait: Delicta mea inquinavit me; delicta aliena affligunt me: ab his munda me, ab illis parce: tolle mihi ex corde malam cogitationem; repelle malum suosorem: hoc est, ab oculis meis munda me, & ab alienis parce servo tuo.

#### ARTICVLVS II.

Vtrum distinctione specifica peccatorum ex objectis que respiciunt, vel ex preceptis quibus opponuntur, attendi debet?

**N**AVARRVS in summa cap. 6. num. 3. & cap. ii. num. 4. & Auctoꝝ Instruꝝtōrī conscientiae parte i. cap. 29. afferunt peccata distinguiri & multiplicari specie, ad distinctionem & multiplicationem præceptorum, atque ita tot esse in quolibet peccato malitias in confessione detegendas, quot fuerint præcepta quibus tale peccatum prohibetur. Eandem sententiam ex parte tenuisse videtur Durandus in 4. dist. 25. quæst. 5.

Oppositum communiter docent Theologici cum D. Thoma hic art. i. afferentes distinctionem specificam peccatorum non ex præceptis quibus opponuntur, sed ex objectis que respiciunt, esse sumendam: unde licet aliquis actus per diversa præcepta prohibeat, & legi divinâ & humana, naturali & positivâ veteret, non induit propter multiplicitem speciem malitias moralis, sed unam tantum. Pro resolutione hujus difficultatis,

Diligenter observandum est, distinctionem præceptorum ex dupli capite posse desumti: Primò ex parte principij, aut præcipientis; quā

A 22

Tom. III.

ratione differunt præcepta: juris divini & humani, naturalis & positivi, ecclesiastici & civilis: secundò ex parte objecti, seu rei præceptæ; si-  
c ut distinguntur præcepta quæ dantur de acti-  
bus diversarum virtutum, aut de actibus ejus-  
dem virtutis specie diversis. Hoc præmisso, sit

## S. I.

Duplici conclusione difficultas proposita resolvitur.

13. Dico primò, distinctionem specificam peccatorum sumi ex objecto in quod tendunt, non verò ex præceptis quibus opponuntur; subindeque distinctionem præceptorum ex parte principij, aut præcipientis, non diversificare peccata, neque multiplicare malitias. Ita D. Thomas hic art. i. ubi sic concludit: *Vnde sequitur quod peccata proprie distinguuntur specie secundum objecta.*

14. Probatur primò ratione fundamentali. Peccata in ratione peccati, seu mali moralis, consti-  
tuuntur per ordinem & habitudinem transcen-  
dentalē ad objectum ut dissonum regulis morum, ut disputatione sequenti ostendemus: Ergo  
etiam distinguntur & diversificantur specie ex  
ordine & habitudine quam dicunt ad objecta  
specie diversa. Consequens est, quia juxta Philosophos idem est constitutivum & distinc-  
tivum rei, v. g. rationalitas quæ constituit ho-  
mīnum, ipsum distinguit ab aliis animalibus.

15. Confirmatur & magis illustratur hec ratio: Peccata constituuntur & distinguntur per id quod se tenet ex parte conversionis, non verò per illud quod se tenet ex parte aversionis: Atqui peccata non respiciunt, neque attin-  
gunt præcepta ex parte conversionis, sed ex parte  
aversionis, benè tamen objecta: Ergo &c. Mi-  
nor est evidens: nam ille qui peccat non con-  
vertitur ad legem vel præceptum, sed ad objec-  
tum contrarium legi, & prohibitum per illam; à lege verò & ab ejus præcepto separatur &  
avertitur; sicut qui convertitur ad unum contrarium, avertitur & recedit ab alio. Major  
verò suadetur: Primò quia specificatio rei, sub-  
indeque ejus distinctio ab omnibus aliis, debet  
attendi secundum illud quod est in ea per se  
intentione & à natura, & ab operante, & non  
secundum illud quod est in ea per accidens: Sed ea quæ in peccato se tenent ex parte con-  
versionis, per se à peccante intenduntur; et ea ve-  
rò quæ se tenent ex parte aversionis, intendun-  
tur solum per accidens, cum nemo intendens  
ad malum operetur, ut ait Dionylius cap. 4. de  
divinis nominibus: Ergo &c. Secundò proba-  
tur Major: quia motus non specificantur, ne-  
que distinguntur ex termino à quo, sed ex ter-  
mino ad quem, ut docetur in Physica; & ideo  
licet terminus à quo specie differat, si tamen  
terminus ad quem ejusdem sit rationis, motus  
sunt ejusdem speciei: Sed ea quæ in peccato se  
tenent ex parte aversionis, scilicet habent per mo-  
dum termini à quo, quæ verò se tenent ex par-  
te conversionis, per modum termini ad quem,  
ut patet: Ergo peccata constituuntur & distin-  
guntur per id quod se tenet ex parte conver-  
sionis, non verò per illud quod se tenet ex parte  
aversionis.

16. Probatur secundò conclusio, & magis adhuc ostenditur, distinctionem peccatorum non sumi ex diversitate præceptorum, quando illa se  
tenet solum ex parte principii, aut præcipien-

tis. Furtum prohibetur de facto lege divina &  
humana, & tamen non est nisi unicūm pecca-  
tum. Item in Decalogo furtum & adulterium  
prohibentur præceptis, quæ diversa sunt ab  
eis, quibus prohibetur interius desiderium fu-  
randi & mœchandi; & tamen non idcirco dif-  
ferunt specie desiderium furandi, & furtum, ne-  
que adulterium & desiderium adulterandi, cùm  
actus exterior non addat malitiam specie diver-  
sam interiori: Ergo diversitas præceptorum,  
quæ se tenet solum ex parte principij aut præ-  
cipientis, non sufficit ad distinguenda peccata.

Dico secundò, distinctionem præceptorum  
ex parte rei prohibita, vel ex parte motivi pro-  
hibendi, inferre distinctionem specificam inter  
peccata.

Hæc assertio patet ex dictis in precedentibus:  
Nam quoties præcepta differunt ex parte rei  
prohibita, vel ex parte motivi prohibendi,  
peccata illis opposita habent distinctum ob-  
jectum, vel motivum: Ergo cùm ab objectis &  
motivis peccata specificentur & distinguantur,  
consequens est, ut præcepta ita distincta infen-  
tant specificam distinctionem peccatorum. No-  
mine autem motivi intelligimus motivum pro-  
ximum & intrinsecum, quod dicitur motivum  
præcepti & operis, non verò motivum extrin-  
secum operantis & præcipientis: cùm enim  
istud motivum non cadat sub præcepto, nec  
præcepta ex vi sua illud respiciant, ex ejus di-  
versitate non deducitur diversitas specifica pec-  
catorum, nisi forte peccans directè intenderet  
contra talia motiva operari.

## S. II.

*Corollarium precedentis doctrine.*

Ex dictis inferes primò, quod violenta per-  
cussio clerici, aut effusio sanguinis in loco  
sacro, duplē induit speciem malitiae, injusti-  
tiae scilicet & sacrilegij: quia hujusmodi actus  
jure naturali & positivo prohibentur ex duplice  
motivo specie diverso, nempe ex motivo justi-  
tiae, à jure naturali; & ex motivo Religionis,  
à jure positivo Ecclesiastico.

Inferes secundò, quod si Religiosi, qui ex vo-  
to tenent abstinere à carnibus (ut R. P. Mini-  
mi, qui quartum votum utendi perpetuū cibo  
quadragesimali emittunt) feriā sextā, vel tem-  
pore quadragesimali, carnes comedant, duplex  
peccatum committunt, unum intemperantia, &  
aliud sacrilegij: quia hujusmodi actus duplice  
præcepto diversum motivum habente prohibi-  
tur; nempe præcepto Ecclesiastico & divino,  
quorum primum est ex motivo abstinentia,  
secundum ex motivo religionis. Idem cum  
proportionē dicendum de Franciscanis, qui ex  
præcepto sua regulæ tenentur ad jejunandum  
feriis sextis: cum enim voceant obseruare regu-  
lam, si in aliqua sexta feria, in qua ex præ-  
cepto Ecclesiastico jejunare tenentur, non jejunant,  
duplice peccato mortali specie diverso se ob-  
stringunt, quia peccant contra duplex præ-  
ceptum habens motivum specie diversum; moti-  
vum enim præcepti Ecclesiastici est moti-  
vum abstinentia; motivum verò præcepti  
contenti in regula est motivum religionis,  
quia hoc præceptum non obligat, nisi ratione  
voti obedientia, aut obseruandi regulam, in  
professione emissi. Unde alii Religiosi, qui ta-  
le votum non emittunt, sed regulā more alte-

## DE DISTINCTIONE PECCATORVM.

371

rius legis utuntur, atque adeo ex motivo solius abstinentiae ad tale jejunium obligantur, nequam in fractione praedicti jejunij duplex peccatum committunt.

<sup>10.</sup> Inferes tertio, quod si precepto Ecclesiastico addatur preceptum Confessarij, imponentis jejunium v.g. ab Ecclesia precepit in penitentiam peccatorum, omissionis illius habet duas malitias specie diversas, propter diversitatem preceptorum jejunium praeципientium sub diversa ratione & motivo, temperantia scilicet & penitentia.

<sup>11.</sup> Inferes quartum, quod ille qui in festo alicuius Sancti occurrente in die dominica, omittet sacram, aut in vigilia S. Matthiae, quando occurrit in quadraginta, non jejunaret, dum peccata non committeret, quia utroque precepto precipitur tunc auditio sacri, vel jejunium ex eodem motivo religionis aut temperantiae.

### S. III.

#### Solvuntur objectiones.

<sup>22.</sup> **O**BJICES primò contra primam conclusionem: Peccatum mortale & veniale differunt specie, & tamen versantur interdum circa idem objectum, ut patet in venialibus ex defectu perfectæ deliberationis, aut ex parvitate materiae: Ergo distinctio specifica peccatorum non sumitur ex objecto.

<sup>23.</sup> Respondent aliqui, peccatum mortale & veniale, quando versantur circa idem objectum, esse ejusdem speciei essentialis in ratione peccati & mali moralis, & differre solum accidentaliter, seu specie accidentaliter, in ratione mortalitatis & venialis, quatenus unum privat hominem gratiam & charitatem, subindeque mortem spiritualem infert animam, non verò alterum; sicut equus albus & niger specie accidentaliter differunt, si considerentur formaliter in ratione colorat, & convenient univocè & essentialiter in ratione animalis.

<sup>24.</sup> Hæc solutio probabilitate non caret. Probabilior tamen, & in schola D. Thomæ communior est sententia, quæ asserit peccatum in ratione mali moralis essentialiter dividiri in mortale & veniale, adeoque nullum veniale, cuiuscumque conditionis sit, esse per se in eadem specie cum aliquo mortali. Nec obstat quod interdum versentur circa idem objectum materialiter & in esse physico: nam, ut infra ostendemus, cùm agemus de peccato mortali & veniali, tale objectum semper distinguitur formaliter in ratione objecti; quod sufficit ad causandam distinctionem specificam inter illa peccata.

<sup>25.</sup> Objicies secundum: Quædam peccata alia excedunt in gravitate & malitia essentiali, licet versentur circa objectum minus grave, & minus malum: Ergo malitia essentialis & specifica peccatorum non desumitur ex objecto. Consequens patet, Antecedens probatur dupli exemplo. Nam occisio Christi fuit gravius peccatum, quam blasphemia, vel odium Dei, ut docent S. Thomas 3. p. qu. 47. art. 6. & tamen primum est contra humanitatem Christi, secundum contra Divinitatem. Item perjurium, vel blasphemia, est peccatum minus grave, quam homicidium, & tamen habet objectum gravius, cùm sit contra Deum & cul-

A tum ei debitum, homicidium verò contraproximum.

<sup>26.</sup> Respondeo negando Antecedens. Ad cuius primam probationem dicendum est, peccatum crucifigentium Christum non solum fuisse immediatè contra ejus humanitatem, sed etiam contra Divinitatem & Personalitatem: nam verè Dei Filius, in divina & humana natura subsistens, fuit occisus & crucifixus in humanitate assumpta: unde in hoc convenit tale peccatum cum odio Dei, quod est immediate contra Deum, & aliunde illud excedit; quia odium Dei nullum nocumentum inferit Deo, peccatum verò crucifigentium Christum, magnum nocumentum ipsi intulit, nempe mortem turpissimam, & acerbissimos dolores.

<sup>27.</sup> Ad secundam probationem respondeo ex D. Thoma quodl. 9. ar. 1. blasphemiam, perjurium, & alia peccata quæ religione opponuntur, esse graviora simpliciter homicidio; quamvis istud secundum quid & accidentaliter sit gravius, quia infert damnum irreparabile homini, ipsum privando vitam temporali. Nec obstat quod homicidium gravius puniatur in republica, quam perjurium vel blasphemia: nam ut ibidem ait S. Doctor, *In iudicio humano non semper quantitas pene responderet quantitatì culpe: interdum enim infligitur major pena pro minori culpa, quando gravius nocumentum imminet hominibus ex minori culpa: sed secundum Dei iudicium gravior culpa graviori pene punitur.*

<sup>28.</sup> Objicies tertio: D. Thomas qu. 2. de malo ar. 6. dicit, *Quod si aliqua essent peccata solum quia prohibita, in his rationabile esset, ut secundum differentiam preceptorum specie peccata diffarentur.* Ergo ex D. Thoma distinctio specifica peccatorum quæ sunt contra jus positivum, non sumitur ex objectis in quæ tendunt, sed ex preceptis quibus opponuntur.

<sup>29.</sup> Respondeo Caietanus, D. Thomam h̄c art. 6. mutasse sententiam. Sed hæc solutio displacebit, cùm S. Doctor talis mutationis aut retractationis nullam faciat mentionem. Quare melius responderet, ipsum loqui de preceptis, quæ sunt diversa non solum ex parte principij aut præcipientis, sed etiam ex parte rei præceptæ, aut ex diversis finibus & motivis. Unde hoc testimonium S. Doctoris non militat contra primam conclusionem, sed secundam statuit & confirmat.

<sup>30.</sup> Objicies quartum: Peccatum ex eo est moraliter malum, quod dicit disformitatem ad leges quæ sunt regulæ morum: Ergo cùm dicit disformitatem ad leges specie diversas, ut sunt lex divina, naturalis, & humana, erit in diversis speciebus malitia moralis.

<sup>31.</sup> E Confirmitur: Quando peccatum opponitur diversis legibus, violantur diverse obligationes: unaquaque enim lex suam obligationem imponebit, & omnes per prædictum peccatum violantur: Ergo dantur in illo plures malitiae: malitia enim nihil aliud est quam violatio legis.

<sup>32.</sup> Ad objectionem respondeo, concessò Antecedente, distinguendo Consequens: cùm dicit disformitatem ad leges specie diversas formaliter, & ex parte rei prohibita, concedo: ad leges materialiter solum, & ex parte legislatoris diversas, nego. Quamvis autem lex divina, naturalis, & humana, naturaliter, & ex parte principij, seu legislatoris specie, differant, non tamen formaliter, & ex parte rei prohibita;

Aaa ij

Tom. III.

cum convenient in una & eadem ratione formaliter prohibendi, nempe in eodem motivo.

**33.** Instabis: Hujusmodi leges habent motiva, seu fines specie diversos; nam finis legis divinae est rectificare voluntatem creatam in ordine ad beatitudinem supernaturalem; finis legis naturalis, est ipsa naturalis hominis rectitudo in ordine ad beatitudinem naturalem; finis legis humanae est rectificare homines politice, hoc est in ordine ad pacem & quietem reipublicae, vel communis: Ergo sunt diversae speciei formaliter, & ex parte motivi, & non solum materialiter, & ex parte legislatoris.

**34.** Respondeo fines illos esse tantum extrinsecos, potiusque dicendos esse fines legislatoris, quam ipsarum legum: ut autem leges seu praecēta distinguantur formaliter, & ex parte rei prohibita, non sufficit diversitas motivi extrinseci & remoti, sed requiritur diversum motivum proximum & intrinsecum, ut supra annotavimus: prohibitus verò furti v. g. siue fiat lege divina, siue naturali, siue humana, semper habet idem motivum intrinsecum, quod est conservatio boni proximi, aut vitatio damni illius.

**35.** Ad confirmationem negandum est Antecedens: nam quando leges differunt solum ex parte principij, non inducunt plures nec diversas obligationes, sed unam tantum & eandem, quam prima lex de novo imponit, & aliae confirmant.

**36.** Objicies quintū: Sola distinctio præceptorum ex parte principij sufficit ad distinguendas species inobedientia: Ergo & ad diversificanda alia peccata. Consequenter videtur legitima ex parte rationis, Antecedens probatur. Inobedientia contra legem divinam est diversa specie ab inobedientia contra legem humanam; sicut alia secundum speciem est obedientia quam obediimus Deo, & quam obedientes sumus hominibus: Ergo sola distinctio præceptorum ex parte principij sufficit ad distinguendas species inobedientia.

**37.** Respondeo dato, & non concesso Antecedente, de quo videri potest Caetanus 2. 2. qu. 104. art. 2. negando Consequentiam, & partitem. Ratio discriminis est, quia alia peccata respiciunt violationem præcepti ex parte averionis, & per modum termini à quo, ut supra dictum est; inobedientia verò respicit præceptum ut violandum, non solum per modum termini à quo, sed magis per modum termini ad quem, & per modum objecti circa quod versatur: sicut enim propria materia, & proprium objectum obedientia est præceptum superioris ut observandum, sic proprius materia, & proprium objectum inobedientia est idem præceptum ut violandum; unde cum peccata non specificentur & distinguantur ex termino à quo, sed ex termino ad quem, non mirum quid etiā alia peccata non distinguantur ex sola diversitate præceptorum, sola tamen illorum distinctio sufficiat ad distinguendas species inobedientia.



DISPUTATIO III.

*De peccato commissionis & omissionis.*

**C**VM celebris sit divisio peccati in peccatum commissionis & omissionis, & plures ac graves circa hanc duo peccatorum genera difficultates occurrant, speciale de eis instituimus disputationem: in qua primò de peccato commissionis, deinde de peccato omissionis differemus.

ARTICVLVS PRIMVS.

*Per quid peccatum commissionis constitutatur formaliter in ratione mali moralis?*

**H**Æc controversia ita celebris est & antiqua, ut D. Clemens in præcognitionibus Apostolicis referat illam inter D. Petrum & Simonem Magum olim fuisse agitamat: nam in solemni illa disputatione, Romæ inter utrumque habita, Simon Magus interrogavit D. Petrum, *Quid sit peccatum? Estne natura aliqua positiva, an verò solum privatio naturæ?* Quam interrogationem despexit Apostolus dicens: *Non præcepit nobis Dominus requirere naturam peccati, sed docere quomodo fugiendum sit.*

Porro hæc quæstio, despecta ab Apostolo, Theologorum ingenia diu exercuit, & in variis coegerit abire sententias: quidam enim in solo positivo, alij in solo privativo, alij in utroque simul rationem formalem peccari commissionis considerere asseverant: & adhuc inter illos est dubium, quid sit illud positivum, vel illa privatio; & an illa in recto, vel solum in oblique & de connotato ejus naturam & quidditatem ingreditur? Pro resolutione, quadam breviter præmittenda sunt.

S. I.

*Premittuntur que ferè apud omnes sunt certa.*

**N**O T A N D V M primò, malum esse duplex: unum quod dicitur malum simpliciter, quod opponitur bono transcendentali, omnique bonitatis & perfectionis parentiam importat; aliud quod vocatur malum secundum quid, seu respectivè: & illud triplex est, nempe naturale, artificiale, & morale. Primum dicitur illud, quod privat subiectum aliquam perfectionem naturali & connaturaliter debita; v. g. morbus est malum naturale respectu animalis, & calor respectu aquæ, quia ille privat animal sanitatem, iste aquam frigiditatem, quæ connaturaliter eis debite sunt. Secundum est illud quod privat artefactum perfectione aliqua sibi debita juxta regulas artis; ut cum imago suâ debitâ proportione caret. Tertium vero appellatur illud, quod removet actionem creature rationalis à rectitudine sibi debita, ut quando privat eam, vel sine sibi debito, vel debitis circumstantiis, vel commensuratione ad legem & rationem.